

Rautensaft in Essig gesotten/ viel auff die Brust  
gelegt/ vertreibt die Milch darinn.

## Cap. xviii. Für den Husten.

**D**er Wein Knoblauch gesotten/ vnd den getrun-  
cken/ nimpt den alten Husten.

**D**ie Ibschsamnen Isop/ vnd Süßholz in Wasser  
vnd Wein gesotten/ vnd getruncken/ nimpt den  
Husten.

Goldwurz in Wein vnd Zucker gesotten/ oder den  
Safft darein gemischer/ benimpt den Husten.

Kräfftmel mit Zucker vnd Gerstenwasser genützet/  
nimpt den Husten.

Pillulen von Armoniacca / sechs oder sieben einge-  
nommen/ vertreibet das Geschwät der Brust/ vnd den  
alten Husten.

Braunellenwasser gesotten/ vnd gemischt mit Man-  
delöl/ mit Safft von Granatapffel/ vnd genützet/ nims  
met den Husten.

Den Samen so man findet in der Baumwolle/ ge-  
mischer mit Fenchelwasser/ nimpt den alten Husten.

Cypressennuß gelegt in Wein/ vnd den offte getrun-  
cken/ nimpt den alten Husten.

Zimmerinden offte genützet nimpt den Husten/ vnd  
stärcket das Hertz.

Dipram gemischer mit Honig/ vnd das offte genützet/  
nimpt den Husten.

Nimb den Safft von Süßholz/ vnd mische darinn  
der Draganthum/ vnd laß über nacht stehn/ thu dann  
mehr Draganthum gepulvert darunder / vnd mach  
Pillulen darauff/ darvon nimb je eines vnder die Zün-  
gen/ vnd laß es zergehen/ vnd schlings also hinab/ der  
Husten vergehet darvon / vnd macht dich weit vmb  
die Brust.

Alantwurz gestossen mit Honig vnd Zimmerin-  
den/



## Von allerhand Arzney/

den/ein Latwergen darauß gemacht/vnd offt genützt/  
benimpt den Husten.

Seygen/Isop/gesotten in Wasser/vnd das getrun-  
cken/benimpt den Husten.

Schwertelwurz in Wein gesotten/vnd das getrun-  
cken/benimpt den Husten.

Gummi Arabicum vermischet mit Zimmetrinden/  
vnd in Wein offt getruncken / nimpt den Husten vnd  
stärcker den Magen.

Hanbutten in Honig gebeißt/ vnd genützt/ nimpt  
den Husten.

Fenchel / Dillsamen/ jedes gleich viel/ vnd thu das  
runder Lindorn das drittheil/ vnd seud das mit Wein/  
vnd trinck offt darvon/ das benimpt den Husten gar  
bald.

Pillulen gemacht auß Myrrha vnd Storace/ vnd  
die genützt/benommen den Husten.

Kressensamen mit Honig genützt/ nimpt den Hus-  
ten/vnd macht lößlig.

Haselnußkern mit Honig zerstoßen/vnd gebraucht/  
nimpt den alten Husten.

Seygen in Wein gesotten/vnd darein vermischet das  
Pulver von Indianischen Nüssen/ vnd das getrun-  
cken/nimpt das Reichen vnd den alten Husten.

Pillulen de Opopanaco gebraucht/seind gut für den  
alten Husten.

Lauchsafft mit Frauen Milch vermischet/ vnd ge-  
truncken/nimpt den Husten.

Den safft von Parietaria/oder das Kraut gesotten  
mit Zucker vnd Wasser / das offt getruncken / nimpt  
den alten Husten.

Quendelkraut in Wein/mit Süßholz gesotten/vnd  
offt getruncken.

Kresselsamen mit Honig vnd Wein genützt/ nimpt  
den alten Husten.

Violkraut vnd Wurzel in Wasser gesotten/mit Zu-  
cker



der süß gemacht / ist gut den Kindern vnd Alten / für den Husten.

Isop mit Honig / Seygen vnd Wasser gesotten / vnd offte getruncken / ist gut für den alten Husten / machet ring die Brust.

Zitwan in Wein gesotten / vnd den getruncken / ist gut für den Husten.

### Cap. xix. Von dem Magen.

Von dem erkalteten Magen / womit er wider zu der Natürlichen Wärme bracht soll werden.

**M**yrthen / Beyfuß vnd Seygen / jedes ein quintz lin zerstoßen / vnd in Wein gelegt / darvon getruncken / erwärmet den Magen.

Stabwurz mit Wein vnd Zucker gesotten / vnd getruncken / erwärmet den Magen von kalter Slegma.

Lignum Aloes vnd Galgantis in Wein gesotten / vnd getruncken / erwärmet wol den kalten Magen / vnd stärcket die Däwung /

Bethonica mit ein wenig Nägelin vnd Zucker / in Wein gesotten / erwärmet den Magen / der erkaltet ist.

Basilien in Wein gesotten / vnd den getruncken / erwärmet den Magen.

Balsamkraut in Wein gesotten / vnd getruncken / erwärmet den Magen.

Zimmerrinden offte genützt / erwärmet den kalten Magen.

Cassia ligna / Mastix vnd Fenchelsamen / jedes gleich / vnd das in Wein getruncken / stärcket vnd erwärmet den kalten Magen.

Calmus 3. Quintlin mit Wermuthwasser genomsen / erwärmet den Magen.

Melissa